

სსიპ საქართველოს მუნიციპალური განვითარების ფონდი
ახალციხის მუნიციპალიტეტის სოფელ სხვილისში, ნაკვეთზე საკადასტრო კოდით (62.08.53.004) კომპანიონ ცხოველთა
რეგიონალური თავშესაფრის მშენებლობის მიზნით დეტალური
საპროექტო-სახარჯთაღრიცხვო დოკუმენტაციის შედგენის მომსახურების სახელმწიფო შესყიდვის ელექტრონული
ტენდერის
სატენდერო კომისიის სხდომის
ოქმონი

ქ. თბილისი

11 დეკემბერი 2018 წ.

სხდომას ესწრებოდა:

გიორგი შენგელია - სატენდერო კომისიის თავჯდომარე, სსიპ საქართველოს მუნიციპალური განვითარების ფონდის აღმასრულებელი დირექტორი.
დავით ტაბიძე - სატენდერო კომისიის წევრი, სსიპ საქართველოს მუნიციპალური განვითარების ფონდის აღმასრულებელი დირექტორის მოადგილე.
ნუცა დათუაშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის დონორებთან ურთიერთობისა და პროექტების მართვის სამსახურის უფროსი.
ნიკოლოზ დოლიძე - სატენდერო კომისიის წევრი, სსიპ საქართველოს მუნიციპალური განვითარების ფონდის იურიდიული სამსახურის უფროსი.
პაატა იაკობაშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის პროექტების შეფასების სამსახურის უფროსი.
ზურაბ კოტორაშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის ადმინისტრაციის სამსახურის უფროსი.
გრიგოლ ფერაძე - სატენდერო კომისიის წევრი, სსიპ საქართველოს მუნიციპალური განვითარების ფონდის შიდა მონიტორინგის სამსახურის უფროსი.
ირაკლი ფარესიშვილი - სატენდერო კომისიის მდივანი, სსიპ საქართველოს მუნიციპალური განვითარების ფონდის შესყიდვების სამსახურის უფროსი.
გიორგი ბულიაშვილი - სატენდერო კომისიის აპარატის წევრი, სსიპ საქართველოს მუნიციპალური განვითარების ფონდის შესყიდვების სამსახურის სპეციალისტი.

სხდომას არ ესწრებოდა:

ჯუანშერ ბურჭულაძე - სატენდერო კომისიის თავმჯდომარის მოადგილე, სსიპ საქართველოს მუნიციპალური განვითარების ფონდის აღმასრულებელი დირექტორის პირველი მოადგილე.
გიორგი ბარიშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის ფინანსური მართვისა და ინვესტირების სამსახურის სპეციალისტი.

დღის წესრიგი:

1. ახალციხის მუნიციპალიტეტის სოფელ სხვილისში, ნაკვეთზე საკადასტრო კოდით (62.08.53.004) კომპანიონ ცხოველთა რეგიონალური თავშესაფრის მშენებლობის მიზნით დეტალური საპროექტო-სახარჯთაღრიცხვო დოკუმენტაციის შედგენის მომსახურების სახელმწიფო შესყიდვის საშუალების განხილვა.
2. ტენდერის ჩატარების შესახებ განცხადების ტექსტისა და სატენდერო დოკუმენტაციის დამტკიცება.

საკითხი I

მოისმინეს:

კომისიის წევრის პაატა იაკობაშვილის ინფორმაცია - სსიპ საქართველოს მუნიციპალური განვითარების ფონდის პროექტების შეფასების სამსახურის მიერ მომზადდა ახალციხის მუნიციპალიტეტის სოფელ სხვილისში, ნაკვეთზე საკადასტრო კოდით (62.08.53.004) კომპანიონ ცხოველთა რეგიონალური თავშესაფრის მშენებლობის მიზნით დეტალური საპროექტო-სახარჯთაღრიცხვო დოკუმენტაციის შედგენის მომსახურების მომსახურების ტექნიკური დავალება (დანართი N1).
პაატა იაკობაშვილმა სატენდერო კომისიას წარუდგინა ინფორმაცია შესყიდვის ობიექტის სავარაუდო ღირებულების გაანგარიშების შესახებ: შესყიდვის ობიექტის სავარაუდო ღირებულების გაანგარიშება განხორციელდა დასაპროექტებელი ობიექტის სამშენებლო სამუშაოების საორიენტაციო ღირებულებისა და საქართველოს ურბანიზაციის და მშენებლობის მინისტრის 1997 წლის "მშენებლობისათვის საპროექტო სამუშაოების ფასთა კრებული"-ს მიხედვით გათვალისწინებული ინფორმაციის საფუძველზე. კერძოდ, თავშესაფრის სამშენებლო სამუშაოების საორიენტაციო ღირებულება განისაზღვრა 1 500 000 ლარის ფარგლებში, კანალიზაციის გამწმენდი ნაგებობის სამშენებლო სამუშაოების საორიენტაციო ღირებულება განისაზღვრა 80 000 ლარის ფარგლებში, ხოლო

კრემატორიუმის სამშენებლო სამუშაოების საორიენტაციო ღირებულება განისაზღვრა 5000 ლარის ფარგლებში. "მშენებლობისათვის საპროექტო სამუშაოების ფასთა კრებული"-ს თანახმად თავშესაფრის (ცხრილი N3 პ.4.26-ის მიხედვით I კატეგორია) საპროექტო მომსახურების ღირებულება შეადგენს სამშენებლო სამუშაოების ღირებულების 2,41%-ს; კანალიზაციის გამწმენდი ნაგებობის (ცხრილი N3. პ.16.7.-ის მიხედვით IV კატეგორია) საპროექტო მომსახურების ღირებულება შეადგენს სამშენებლო სამუშაოების ღირებულების 6,92%-ს, ხოლო კრემატორიუმის (ცხრილი N3. პ.14.11.-ის მიხედვით IV კატეგორია) საპროექტო მომსახურების ღირებულება შეადგენს სამშენებლო სამუშაოების ღირებულების 7,68%-ს. შესაბამისად საპროექტო მომსახურების სავარაუდო ღირებულება განისაზღვრა 30 882 $((1500000 \cdot 2,41\% = 36150) + (80000 \cdot 6,92\% = 5536) + (5000 \cdot 7,68\% = 384) = 42070)$ ლარის ფარგლებში.

ტექნიკური დავალების თანახმად გათვალისწინებულია დამატებით ასევე გასატარებელი არის სხვა ღონისძიებები (საძიებო-კვლევითი სამუშაოები, ტექნოლოგიური ნაწილის ექსპერტიზა, საბოლოო საპროექტო დოკუმენტაციის თარგმნა და სხვა), რომელთა სავარაუდო ღირებულება შეადგენს დაახლოებით 10 000 ლარს, აღნიშნულის გათვალისწინებით ახალციხის მუნიციპალიტეტის სოფელ სხვილისში, ნაკვეთზე საკადასტრო კოდით (62.08.53.004) კომპანიონ ცხოველთა რეგიონალური თავშესაფრის მშენებლობის მიზნით დეტალური საპროექტო-სახარჯთაღრიცხვო დოკუმენტაციის შედგენის მომსახურების სავარაუდო ღირებულება განისაზღვრა $(42070 + 10\ 000) = 52070$ ლარით დამატებითი ღირებულების გადასახადის (დ.ღ.გ.) გათვალისწინებით.

კომისიის წევრმა მსჯელობის საფუძველზე აღნიშნეს:

შესყიდვის ობიექტის სავარაუდო ღირებულების გათვალისწინებით მიზანშეწონილია შესყიდვის პროცედურა ჩატარდეს ელექტრონული ტენდერის საშუალებით „სახელმწიფო შესყიდვების შესახებ“ საქართველოს კანონის 15¹ მუხლის მე-3 პუნქტის „ბ“ ქვეპუნქტით გათვალისწინებული ვადებით და ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად განისაზღვროს არანაკლებ 10 დღე.

დაადგინეს:

1. შესყიდვის ობიექტის სავარაუდო ღირებულებად განისაზღვროს 52070 ლარი დღგ-ს ჩათვლით.
2. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მე-3 მუხლის მე-2 პუნქტის თანახმად მომსახურების სახელმწიფო შესყიდვა განხორციელდეს ელექტრონული ტენდერის საშუალებით, სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მე-3 მუხლის პირველი პუნქტის „ა“ ქვეპუნქტით გათვალისწინებული SPA აბრევიატურით.

საკითხი II

მოისმინეს:

სატენდერო კომისიის აპარატის წევრის გიორგი ბულიშვილის ინფორმაცია - ელექტრონული ტენდერის პირობების, კერძოდ ტენდერის ჩატარების შესახებ განცხადების ტექსტისა და სატენდერო დოკუმენტაციის პროექტის შესახებ. გიორგი ბულიშვილმა სატენდერო კომისიას წარუდგინა სახელმწიფო შესყიდვების ერთიან ელექტრონულ სისტემაში შევსებული სატენდერო პირობების პროექტი.

განიხილეს:

სატენდერო პირობების პროექტი, სატენდერო კომისიის წევრებმა ერთხმად მისაღებად ჩათვალეს ტენდერის ჩატარების შესახებ განცხადებით და სატენდერო დოკუმენტაციით გათვალისწინებული პირობები და ძირითადი და მნიშვნელოვანი სატენდერო პირობების დასაბუთების მიზნით აღნიშნეს:

1. შესყიდვის ობიექტის სავარაუდო ღირებულების გათვალისწინებით, „სახელმწიფო შესყიდვების შესახებ“ კანონის 15¹ მუხლის მე-3 პუნქტის „ბ“ ქვეპუნქტის და 24¹ მუხლის პირველი პუნქტის თანახმად, ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად განსაზღვრულია არანაკლებ 10 კალენდარული დღე.
2. ტექნიკური დავალების თანახმად ძირითადად უნდა განხორციელდეს შენობების მშენებლობის საპროექტო მომსახურება, შესაბამისად შესყიდვის ობიექტის თავისებურების გათვალისწინებით ელექტრონული ტენდერი უნდა გამიცხადდეს 71200000 დანაყოფის ფარგლებში, კერძოდ 71220000 და 71240000 შესყიდვის ობიექტის ერთგვაროვნების განმსაზღვრელი CPV კოდით.

3. შესყიდვის ობიექტის დაფინანსება განსაზღვრულია სახელმწიფო ბიუჯეტიდან გამოყოფილი ასიგნების ფარგლებში, 2019 წლის სახსრებით.

4. შესყიდვის ობიექტის სავარაუდო ღირებულება დაანგარიშებულია დამატებითი ღირებულების გადასახადის გათვალისწინებით, შესაბამისად წინადადების წარმოდგენა უნდა განხორციელდეს აღნიშნული გადასახადის (დ.დ.გ.) ჩათვლით, ხოლო წინადადების ფასის კლების ბიჯის ოდენობა განსაზღვრულია 520 ლარის ოდენობით.

5. შესყიდვის ობიექტის თავისებურების გათვალისწინებით სატენდერო დოკუმენტაციით არ მოითხოვება ინფორმაცია საგარანტიო ვადების, შესყიდვის ობიექტის წარმოშობის ქვეყნის, მწარმოებლის, მოდელის, პრეტენდენტის მატერიალურ ტექნიკური ბაზის, პრეტენდენტის ფინანსური შესაძლებლობების შესახებ. მომსახურების მიწოდების პირობები და ვადები განსაზღვრულია სატენდერო დოკუმენტაციის 1.4. პუნქტის თანახმად, შესაბამისად არ მოითხოვება ინფორმაცია მომსახურების გაწევის გეგმა- გრაფიკის შესახებ. გამოცდილების შეფასების თავლსაზრისით სატენდერო დოკუმენტაციით მოთხოვნილია უშუალოდ პრეტენდენტის გამოცდილება, შესაბამისად ინფორმაცია პრეტენდენტის პერსონალის გამოცდილების შესახებ და ინფორმაცია ქვეკონტრაქტორის შესახებ არ მოითხოვება. ასევე, არ მოითხოვება ინფორმაცია ლიცენზიასთან, აკრედიტაციასთან და სტანდარტებთან დაკავშირებით. ასევე არ მოითხოვება სარეგისტრაციო/უფლებრივი მონაცემების ამსახველი დოკუმენტ(ებ)ის წარმოდგენა. სატენდერო დოკუმენტაციით არ მოითხოვება ფასწარმოქმნის დამადასტურებელი დოკუმენტაციის წარმოდგენის ვალდებულება, დასაბუთება მოცემულია სატენდერო დოკუმენტაციის 4.1.3. პუნქტში. შესყიდვის ობიექტის სავარაუდო ღირებულების გათვალისწინებით არ მოითხოვება ხელშეკრულების შესრულების უზრუნველყოფის საბანკო გარანტიის წარმოდგენის ვალდებულება.

6. დეტალური მსჯელობის საფუძველზე არის განსაზღვრული სატენდერო დოკუმენტაციის ყველა პირობა, მათ შორის სატენდერო დოკუმენტაციით გათვალისწინებული დასაბუთებები, ტექნიკური დავალება და ტექნიკური დავალებით განსაზღვრული პირობები, მომსახურების ცალკეული ეტაპების მიწოდების ვადები და საპროექტო-სახარჯთაღრიცხვო დოკუმენტაციის წარმოდგენის ფორმა და ადგილი, ხელშეკრულების პროექტი, ანგარიშსწორების პირობები და ვადები. სატენდერო დოკუმენტაციის 2.2.1 პუნქტით არის განსაზღვრული მოთხოვნა პრეტენდენტის გამოცდილების შესახებ. გამოცდილების შეფასების თვალსაზრისით შესაძლებელია მოთხოვნა განისაზღვროს, როგორც უშუალოდ პრეტენდენტის ან პრეტენდენტთან დასაქმებული სპეციალისტების ან ერთობლივად პრეტენდენტისა და სპეციალისტების მიმართ. კომისია მიიჩნევს, რომ წინადადების შეფასების დროს მნიშვნელოვან გარემოებას წარმოადგენს გამოცდილების დამადასტურებელი დოკუმენტაცია, რომელიც საიმედოობის თვალსაზრისით სავალდებულოდ დამოწმებული უნდა იყოს მესამე მხარის მიერ. აღნიშნულიდან გამომდინარე მხოლოდ პრეტენდენტთან დასაქმებული პერსონალის კვალიფიკაციის შეფასება აზრს მოკლებულია, კერძოდ პერსონალის გამოცდილების განმსაზღვრელ დოკუმენტად შესაძლებელია მოთხოვნილი იყოს ავტობიოგრაფიული მონაცემები, განათლების დამადასტურებელი დოკუმენტი, ან სარეკომენდაციო წერილი. ავტობიოგრაფიული მონაცემების (CV) დადასტურება მესამე მხარის მიერ დიდ სირთულესთან, ასევე დოკუმენტაციების წარმოდგენისა და შესაბამისობის შეფასების თვალსაზრისით დროში გაჭიანურებასთან არის დაკავშირებული. რაც შეეხება განათლების დამადასტურებელ დოკუმენტს ის ვერ განიხილება ტენდერით გათვალისწინებული ანალოგიური მომსახურების მიწოდების გამოცდილების დამადასტურებელ დოკუმენტად, ხოლო სარეკომენდაციო წერილის გაცემა შესაძლებელია განხორციელდეს უშუალოდ იმ პრეტენდენტის მიერ, რომლის მიერაც იქნება წარმოდგენილი სატენდერო წინადადება. ასევე აღსანიშნავია, რომ პროექტის წარმატებით დასრულება საჭიროებს სწორ დაგეგმვას და ორგანიზაციულ მართვას, რაც მოითხოვს ტექნიკური დარგის სპეციალისტების გარდა სხვა დარგის სპეციალისტების ჩართვას. ტექნიკურ დარგის სპეციალისტს შესაძლებელია არ გააჩნდეს ორგანიზაციული მართვის შესაბამისი უნარი, ამ კუთხით არ ქონდეს სათანადო გამოცდილება და კვალიფიკაცია. ასევე არსებობს საკმაოდ დიდი ალბათობა მომსახურების მიწოდებისას ჩართული იყოს სხვა სპეციალისტი, ან ობიექტური მიზეზის გათვალისწინებით წარმოიშვას შერჩეული სპეციალისტის ახალი სპეციალისტის ჩანაცვლების აუცილებლობა, აღნიშნულიდან გამომდინარე მოსალოდნელია შეუძლებელი გახდეს იგივე კვალიფიკაციის სპეციალისტი შერჩევა, რაც შეაფერხებს პროექტის სრულფასოვნად და ხარისხიანად დასრულებას. აღნიშნული მსჯელობის გათვალისწინებით სატენდერო კომისია მიიჩნევს, რომ გამოცდილების დადასტურება უნდა განხორციელდეს უშუალოდ პრეტენდენტის მიერ, ანალოგიური სახის მომსახურების მიწოდების შესახებ გაფორმებული ხელშეკრულებებისა და დამკვეთის მიერ დადასტურებული მიწოდების დამადასტურებელი დოკუმენტების წარმოდგენის გზით. ხოლო, რაც შეეხება მომსახურების გაწევისას ჩართულ სპეციალისტებს აღნიშნული განსაზღვრულია ტექნიკური დავალებით.

7. გამოცდილების დამადასტურებელი დოკუმენტის წარმოდგენის პირობები გათვალისწინებულია სატენდერო დოკუმენტაციის 2.2.1. პუნქტის თანახმად. პრეტენდენტის გამოცდილებასთან დაკავშირებული პირობები განისაზღვრა შესყიდვის ობიექტის თავისებურებისა და გასატარებელი ღონისძიებების მოცულობის გათვალისწინებით, კერძოდ პრეტენდენტმა უნდა დაადასტუროს, რომ 2015 წლიდან არაუმეტეს 2 (ორი) დასრულებული ხელშეკრულების ფარგლებში მიწოდებული აქვს არანაკლებ 60 000 (სამოცი ათასი) ლარის ღირებულების სამოქალაქო ან საზოგადოებრივი დანიშნულების შენობების მშენებლობის და/ან რეკონსტრუქციის (არ განიხილება სარემონტო სამუშაოები) დეტალური საპროექტო-სახარჯთაღრიცხვო დოკუმენტაციის შედგენის მომსახურება.

8. სატენდერო დოკუმენტაციის 2.9. პუნქტით დამატებით არის განსაზღვრული ინფორმაცია პრეტენდენტის მიერ წარმოსადგენი დოკუმენტაციის შესახებ, სატენდერო წინადადების ფასის დაანგარიშების მეთოდი და დოკუმენტების წარმოდგენის ფორმატი, ასევე სატენდერო დოკუმენტაციის 10.1. პუნქტით განსაზღვრულია სატენდერო პირობების განმარტების მოთხოვნის პროცედურა.

დაადგინეს:

1. დამტკიცდეს ელექტრონული ტენდერის პირობები (ტენდერის ჩატარების შესახებ განცხადების ტექსტი და სატენდერო დოკუმენტაციის პროექტი (თან ერთვის).
2. დაევალოს სატენდერო კომისიის აპარატს უზრუნველყოს წინამდებარე ოქმის ატვირთვა და ელექტრონული ტენდერის სატენდერო პირობების (ტენდერის ჩატარების შესახებ განცხადების ტექსტი და სატენდერო დოკუმენტაცია) რეგისტრაცია სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე



/ გიორგი შენგელია /

კომისიის თავმჯდომარის
მოადგილე

/ ჯუანშერ ბურჭულაძე / 

კომისიის წევრი



/ დავით ტაბიძე /

კომისიის წევრი



/ ნუცა დათუაშვილი /

კომისიის წევრი



/ ნიკოლოზ დოლიძე /

კომისიის წევრი



/ პატა იაკობაშვილი /

კომისიის წევრი



/ ზურაბ კოტორაშვილი /

კომისიის წევრი



/ გრიგოლ ფერაძე /

კომისიის წევრი

/ გიორგი ხარიშვილი / 

კომისიის მდივანი



/ ირაკლი ფარესიშვილი /

კომისიის აპარატის წევრი



/ გიორგი ბულაიშვილი /